



Agencija za vodno
područje rijeke Save
SARAJEVO

AGENCIJA ZA VODNO PODRUČJE RIJEKE SAVE SARAJEVO
Hamdije Čemerlića 39a Tel: +387 33 726 400 Faks: +387 33 726 423 Web: www.voda.ba Email: info@voda.ba

U skladu s članom 91. stav 2. Zakona o vodama, na osnovu meteorološke prognoze izdate od strane Federalnog hidrometeorološkog zavoda BiH, nakon sagledavanja osmotrenih podataka i rezultata hidrološko-hidrauličkih simulacija iz modela u okviru prognostičkih sistema koji su na raspolaganju u sklopu ISV-a AVP Sava, daje se:

OBAVJEŠTENJE O PROGNOZI VANREDNOG HIDROLOŠKOG STANJA za period: 17.01 - 20.01.2023.

PROGNOZA:

- Prognozira se porast vodostaja na cijelom vodnom području rijeke Save u FBiH, posebno na slivovima rijeka Drine, Bosne, Une i Sane kao i Fojničke rijeke. Očekuje se dostizanje nivoa obavještavanja o mogućim poplavama na hidrološkim stanicama na vodnom području rijeke Save u FBiH.
- Bujični vodotoci na kojima može doći do značajnijeg povećanja vodostaja u ovom periodu su na području slivova Korane i Gline u BiH te na slivu Fojničke rijeke.

U naredna tri dana prognozira se vanredno hidrološko stanje, posebno na području:

- Gornjeg dijela sliva rijeke Drine,
- Sliva rijeke Željeznice,
- Slivova Korane i Gline u BiH,
- Gornjeg i srednjeg dijela sliva rijeke Bosne te
- Slivova rijeke Une i Sane.

Obavještenje o prognozi vanrednog hidrološkog stanja odnosi se na područje općina u BPK Goražde, Unsko-sanskom i Kantonu Sarajevo te na području općine Fojnica.

Sugerišemo nadležnim institucijama da prate situaciju na terenu i postupaju u skladu s ovlaštenjima, a službama koje provode mjere i aktivnosti zaštite i spašavanja ljudi i materijalnih dobara preporučujemo pojačan oprez.

Nadležne službe civilne zaštite treba da upozore stanovništvo koje živi na područjima uz rijeke koje nemaju izgrađene zaštitne vodne objekte, da je opasno da prilaze obalama s obzirom na moguće povećanje dubina i brzina tečenja vode u rijekama, te da im pravovremeno daju obavještenje sa uputama i smjernicama, na osnovu čega bi stanovništvo bilo u mogućnosti (prije eventualne pojave poplava) sprovesti mjere samozaštite u cilju smanjenja i preduprijeđenja eventualnih šteta od štetnog djelovanja poplava po njih i njihova materijalna dobra.

Informacije o aktuelnim izmjerenim vodostajima na svim hidrološkim stanicama na vodnom području rijeke Save u Federaciji BiH su dostupne na internet stranici Agencije za vodno područje rijeke Save: www.voda.ba
Sve aktivnosti na praćenju i obavještavanju o trenutnom hidrološko stanju se provode u skladu sa Federalnim operativnim planom odbrane od poplava.

Opis prognoziranih vanrednih hidroloških stanja i mogućih posljedica dostupan je na slijedećem linku: www.voda.ba

**VANREDNO HIROLOŠKO STANJE PODRAZUMIJEVA POVEĆAN VODOSTAJ NA RIJEKAMA USLIJED PADAVINA I
MOGUĆNOST POJAVE POPLAVA MANJEG, SREDNJEG I ZNAČAJNOG OBUUHVATA:**



IZLIJEVANJE IZ KORITA

ISPUNJENO KORITO VODOM I LOKALNO
IZLIJEVANJE



POPLAVE

IZLIJEVANJE VODE NA OKOLNO PODRUČJE,
POJEDINE OBJEKTE, POLJOPRIVREDNO
ZEMLIŠTE I PUTEVE



ZNAČAJNE POPLAVE

PLAVLJENJE NASELJA, OBJEKATA,
PUTEVA

BOSNA I HERCEGOVINA**FEDERACIJA BOSNE I HERCEGOVINE****Federalni hidrometeorološki zavod****Sarajevo****BOSNIA AND HERZEGOVINA****FEDERATION OF BOSNIA AND HERZEGOVINA****Federal Hydrometeorological Institute****Sarajevo****NARANDŽASTO UPOZORENJE****1.Meteorološka pojava za koju se izdaje upozorenje:**

Obilne padavine.

2.Područje, lokacija, za koju se izdaje upozorenje:

Hercegovina, zapad, jugozapad i lokalno centralni dijelovi Bosne.

3.Vremenski interval i datum za koje se izdaje upozorenje:

16.01.2023. 12:00h do 19.01.2023. 12:00h.

4.Napomena:

Prognozirana akumulirana količina padavina na zapadu i jugozapadu Bosne 80-120 litara po metru kvadratnom. Jug i zapad Hercegovine 100-150 litara. Na sjeveru i istoku Hercegovine 150-250 litara. Dijelovi centralne Bosne 70-120 litara.

5.Preporuke, mjere, prema WMO-u (Svjetska meteorološka organizacija):

Budite spremni da zaštitite sebe i svoju imovinu. Plavljenje imovine i saobraćajnih mreža su moguće. Poremećaj u snadbijevanju električnom energijom, vodom i u komunikacijama je moguć. Može biti potrebna manja evakuacija. Teški uslovi za vožnju uslijed smanjenje vidljivosti i nekontrolisanog kretanja vozila uslijed vode.

Za sve dodatne informacije obratite se nadležnim institucijama!

Napomena:

- FHMZ ima pravo u svakom trenutku promijeniti (dopuniti i / ili ispraviti) postavljene informacije, u cijelosti ili djelimično, u zavisnosti od razvoju vremenske situacije.
- FHMZ ne snosi odgovornost za objavljivanje bilo kakvih informacija bez prethodnog konsultovanja dežurnog meteorologa, uz pismenu potvrdu o istom.
- FHMZ nastoji osigurati da su sve informacije i podaci u materijalima objavljenim na web stranici tačni i ažurni.
- FHMZ dopušta da se sadržaj sa njene stranice kopira, distribuira, uz uslov da se kao izvor navede Federalni hidrometeorološki zavod.
- Mijenjanje sadržaja objavljenog materijala na web stranici FHMZ nije dopušteno.

Bardakčije broj 12., 71000 Sarajevo, tel:00387 33 276 700, fax: 033 276 701;
e-mail: fhmzbih@fhmzbih.gov.ba